

四庫全書

子部

欽定四庫全書

子部

廣博物志卷八

詳校官侍讀學士臣沈成熙

主事臣祁韻士履勛

總校官知縣臣楊懋珩

校對官中書臣石鴻翥

謄錄監生臣王永鎮

欽定四庫全書

廣博物志卷八

明 董斯張 撰

地形四 戎狄

言夷狄者舉終始也言蠻舉遠也言貉舉惡也則別之
東方為九夷南方為八蠻西方為六戎北方為五狄何
以知夷在東方禮王制曰東方曰夷被髮文身又曰南
方曰蠻雕跽交趾西方曰戎被髮衣皮北方曰狄衣羽

居穴何以名為夷蠻曰聖人本不治外國非為制名也
因其國名而言之耳一說曰名其短而為之制名也夷
者傳狄無禮義東方者少陽易化故取名也北方太陰
鄙鄙故少蠻蟲難化執心違邪戎者強惡也狄者易也
辟易無別也

白虎通

東辟之民曰夷精以僥至於大遠有不火食者矣南辟
之民曰蠻信以朴至於大遠有不火食者矣西辟之民
曰戎勁以剛至於大遠有不火食者矣北辟之民曰狄

肥以戾至於大遠有不火食者矣及中國之民曰五方

之民

大戴禮

湯問伊尹曰諸侯來獻或無馬牛之所生而獻遠方之

物事實相反不利

非其所有而當遠求于民故不利也

今吾欲因其地勢

所有獻之必易得而不貴其為四方獻令伊尹受命於

是為四方令曰臣請正東符婁仇州伊憲溫深九夷十

蠻越溫鬻文身

十者東夷蠻越之別稱

請令以魚支之鞞烏劍之

醬鮫鼈利劍為獻

鞞刀削鱗魚名鼈盾也以鮫皮作之鮫文魚也

正南甌鄧桂

國損子產里百濮九菌

六者南蠻之別名

請令以珠璣瑇瑁象

齒文犀翠羽菌鶴短狗為獻

璣似珠而小菌鶴可用為旌翳短狗狗之善者也

正西崑崙狗國鬼親枳已闕耳貫胸雕題離丘漆齒

九者

西戎之別名也

請令以丹青白旄紕蜀江歷龍角神龜為獻

江歷

珠名正北空同大夏莎車姑他旦畧貌胡戎翟奴樓煩月

氏媾犁其龍東胡

十二者北狄中之別名也

請令以橐駝白玉野馬

駒駘馱良弓為獻湯曰善

周書

懷方氏掌來遠方之民致方貢致遠物而送逆之達之

以節

周禮

凡海外三十六國自西北至西南方有修股民大民肅
慎民白民沃民女子民丈夫民竒肱民一臂民三身民
自西南至東南方有結胸民羽民謹頭國民裸國民三
苗民交股民不死民穿胸民反舌民豕喙民鑿齒民三
頭民修臂民自東南至東北方有大人國君子國黑齒
民玄股民毛民勞民自東北至西北方有跂踵民句嬰
民深目民無腸民柔利民一目民無繼民雒棠武人在

西北陬

皆日所入
山之名

磈魚在其南有神二人連臂為帝候

夜在其西南方三珠樹在其東北方有玉樹在赤水之

上崑崙華丘在其東南方爰有遺玉青馬視肉楊桃甘

櫨甘華百果所生和丘在其東北陬三桑無枝在其西

夸父耽耳在其北方夸父棄其策是為鄧林昆吾丘在

南方軒轅丘在西方巫咸在其北方立登保之山暘谷

搏桑在東方有娥在不周之北長女簡翟少女建疵西

王母在流沙之瀕樂民拏閭在崑崙弱水之洲三危在

樂民西宵明燭光在河洲所照方千里龍門在河淵湍

池在崑崙玄燿不周申池在海隅孟諸在沛少室太室

在冀州燭龍在雁門北蔽於委羽之山不見日其神人

面龍身而無足后稷壟在建木西建木在都廣都
廣南方澤名其人

死復蘇其半魚在其間南方人死復生或化
為魚在都廣建木間流黃沃民

在其北方三百里狗國在其東雷澤有神龍身人頭鼓

其腹而熙淮南
子

魏志言箕子適朝鮮作八條之教無門戶之閉而不為

盜

結胸國其為人結胸

臆前佚出如人結喉也山海經

羽民國在其東南其為人長頭身生羽

能飛不能遠卵生

一曰

其為人長頰

啟筮曰羽民之狀鳥喙赤目而白首○又大荒經云羽民國其民皆生毛羽卵民國

其民皆

生卵

謹頭國在其南其為人人面有翼鳥喙方捕魚或曰謹

朱國

○又大荒經云有人名曰謹頭鯨妻士敬士敬子曰炎融生謹頭人面鳥喙有翼食海中魚杖翼而

行維宜芑芑稷揚是食○又云顛頊生謹頭謹頭生苗民苗民釐姓食肉

厭火國在其南獸身黑色生火出其口中

言能吐火

三苗國在赤水東其為人相隨

昔堯以天下讓舜三苗之君非之帝殺之有苗

之民叛入南海為三苗國 一曰三毛國

貫胸國在其東其為人胸有竅

尸子曰四夷之民有貫胸者有深目者有長肱

者黃帝之德常致之

交脛國在其東其為人交脛

言脚脛曲戾相交所謂雕跽交趾者也

不死民在其東其為人黑色壽不死

有員山上有不死樹食之乃壽亦有

赤泉飲之不老○又大

荒經云阿姓甘木是食

岐舌國在其東

其人舌皆岐
或云支舌也

三首國在其東其為人一身三首

周饒國在其東其為人短小冠帶

其人長三尺穴
居能為機巧

一曰

焦僂國在三首東

外傳云焦僂氏長三尺短之至也詩
含神霧曰從中州以東西四十萬里

得焦僂國人長尺五寸○又大
荒經云焦僂國幾姓嘉穀是食

長臂國在其東捕魚水中兩手各操一魚

舊說云其人
手下垂至地

魏黃初中玄菟太守王頎討高句麗王宮窮追之過沃
沮國其東界臨大海近日之所出問其耆老海東復有
人否云嘗在海中得一布褶身如中人衣兩袖長三丈即此長臂人衣也

三身國在夏后啟址一首而三身

大荒經云不庭之山
榮水窮焉有人三身

帝俊妻娥皇生
此三身之國

一臂國在其址一臂一目一鼻孔有黃馬虎文一目而

一手

河圖玉版云
亦有一脚人

奇肱之國在其址其人一臂三日有陰有陽乘文馬

陰在

上陽在下文
馬即吉良也

丈夫國在維鳥址其為人衣冠帶劍

殷帝太戊使王孟
採藥從西王母至

此絕糧不能進食木實衣木皮終身無妻而生二子從
脇中出其父即死是為丈夫民。玄中記云子從背脇

出王孟一

作王英

女丑之尸生而十日炙殺之在丈夫北以右手鄣其面

又大荒經云有人衣青以

袂蔽面名曰女丑之尸

巫咸國在女丑北右手操青虵左手操赤虵在登葆山

羣巫所從上下也

採藥往來

女子國在巫咸北兩女子居水周之

有黃池婦人入浴出即懷妊矣若生

男子三歲輒死周猶也

軒轅之國在此窮山之際其不壽者八百歲在女子國

北人面蛇身尾交首上

白民之國在龍魚北白身被髮

言其人體洞白○又大荒經云帝俊生帝鴻帝

鴻生白民

有乘黃其狀如狐其背上有角乘之壽二千

歲

周書曰白民乘黃似狐背上有兩角即飛黃也淮南子曰天下有道飛黃伏阜

長股之國被髮

國在赤水東也長臂人身如中人而臂長二丈以類推之則此人脚過三丈矣

黃帝時至或曰長脚人常一曰長脚

或曰有喬國今伎家喬人蓋象此身

○又大荒經云赤水之東有長脰之國

無脊之國

音啓或作紫

在長股東為人無脊

脊肥腸也其人穴居食土無男

女死即埋之其心不朽
死百廿歲乃復更生

一目國在其東一目中其面而居一曰有手足

柔利國在一目東為人一手一足反膝曲足居上一手一脚

反卷曲也一云留利之國人足反折

深目國在其東為人舉一手一目一作在共工臺東大荒

經云深目之國盼姓食魚

無腸之國在深目東一作其為人長而無腸為人長大腹內無腸

所食之物直通過○又大荒經云無腸國任姓無繼子食魚注云繼當作膂膂腸也

聶耳之國在無腸國東使兩文虎為人兩手聶其耳

言耳

長行則以手攝持之也

博父國在聶耳東右手操青蛇左手操黃蛇

拘纓之國在其東一手把纓

言其人常以一手持冠纓也或曰纓宜作纓

一曰利纓之國尋木長千里在拘纓南生河上西北

跂踵國

跂音企

在拘纓東其為人大兩足亦大

其人行脚跟不着地

也孝經鈞命訣曰焦僥跂踵重譯疑塞也

一曰大踵

歐絲之野在大踵東一女子跪據樹歐絲

言噉桑而吐絲蓋蠶類也

三桑無枝在歐絲東其木長百仞無枝

大人國在其北為人大坐而削船一日在騃丘北

大荒經云

釐姓黍食。又云大人之市在海中。又博物志云大人國其人孕三十六年生白頭其兒則長大能乘雲而不能走蓋龍類去會稽四萬六千里

奢比之尸在其北獸身人面大耳珥兩青蛇

珥以蛇貫耳也一

曰肝榆之尸

君子國在其北衣冠帶劍食獸使二大虎在旁其人好

讓不爭有蕒

或作蕒

華草朝生夕死

垂垂在其北

虹音

各有兩首

虹螭也

青丘國在其北

其人食五穀衣絲帛

其狐四足九尾

竹書曰柘杼子征于東海

及三壽得一狐九尾即此類也

黑齒國在其北為人黑食稻啗蛇一赤一青在其旁

大荒

經云帝俊生黑齒姜姓黍食

玄股之國在其北

髀以下盡黑故云

其為人衣魚

以魚皮為衣也

食黿

黿水鳥也音憂

使兩鳥夾之

大荒經云黍食使四鳥

勞民國在其北其為人黑

食果草實也有一鳥兩頭

或曰教民

伯慮曰詳離耳國

也在朱埕海渚中不食五穀但噉蚌

及諸與也。○大荒經云儋耳之國任姓

雕題國

點涅其面畫體為鱗采即鮫人也

北胸國

音幼未詳皆在鬱水南

臬陽國在北胸之西其為人人面長唇黑身有毛反踵

見人笑亦笑左手操管

周書曰州靡髣髴者人身反踵自笑笑則上唇掩其面爾雅云

髣髴大傳曰周書成王時州靡國獻之海內經謂之賴巨人

氏人國

音抵觸抵之抵

在建水西其為人人面而魚身無足

蓋胸

以上人胸以下魚也

匈奴

一日
儉狃

開題

音提

之國列人之國並在西北

犬封國曰犬戎國狀如犬

皇帝之後下明生白犬二頭自相牝牡遂為此國

有一女子方跪進杯食

與酒食也

鬼國在貳負之尸址為物人面而一目一日貳負神在

其東為物人面虵身

蓋國在鉅燕南倭北倭屬燕

倭國在大海內以女為主其俗露紒衣服無針功以

丹朱塗身不妬忌一男子數十婦也

列姑射在海河洲中

山名也有神人河洲在海中河水所經者箕子所謂藐姑射之山也

姑射國在海中屬列姑射

劉晝新論云胡之北有射姑之國其親死棄屍于江中謂

之水仙意是射姑之誤

明組邑居海中

東海之外大壑少昊之國少昊孺帝顓頊于此棄其琴

瑟

有小人國名靖人

詩含神霧曰東北極有人長九寸殆謂此小人也或作淨音同○又云蓋

猶之山有小人
人名曰菌人

大荒之中有中容之國帝俊生中容

俊亦舜字中容人
假借音也

食獸木實

此國中有赤木玄木其華實美見呂氏春秋

有司幽之國帝俊生晏龍晏龍生司幽司幽生思士不

妻思女不夫

言其人直思感而氣通無配合而生子此莊生所謂白鵠相視眸子不運而感風化

之類也

有柔僕民是維羸士之國

羸猶沃衍也

有夏州之國有蓋余

之國

有困民國勾姓而食有人曰王亥兩手操鳥而食其頭

王亥託于有易河伯僕牛

河伯僕牛皆人姓名託寄也見竹書

有易殺王

亥取僕牛

竹書曰殷王子亥賓于有易而姪馬有易之君綿臣殺而放之是故殷主甲徵假師于河

伯以伐有易滅之遂殺其君綿臣也

河念有易潛出為國于獸方食之名

曰搖民

言有易本與河伯友善上甲徵殷之賢王假師以義伐罪故河伯不得不助滅之暨而哀念有

易使得潛化而出化為搖民國

帝舜生戲戲生搖民海內有兩人

此乃有易

所化者

名曰女丑

即女丑之尸言其變化無常也然則一以涉化津而遷神域者亦無往而不之

觸感而寄跡矣

女丑有大蟹

廣千里也

有女和月母之國有人名曰鳧

音婉

北方曰鳧來之風曰

狻言亦有兩名也音剗

是處東極隅以止日月使無相間出沒司

其短長

言堯主察日月出入不令得相間錯知景之短長

有季禹之國顓頊之子食黍

言此國人顓頊之裔子也

有盈民之國於姓黍食

有人食獸曰季釐帝俊生季釐故曰季釐之國有緡

音昏

淵少昊生倍伐倍伐降處緡淵

有載民之國帝舜生無淫降載處自謂巫載民巫載民

盼姓食穀不績不經服也

自然有布帛也

不稼不穡食也

言五穀自

也生爰有歌舞之鳥鸞鳥自歌鳳鳥自舞爰有百獸相羣

爰處百穀所聚

海外經云其為人黃能操弓射蛇戴音秩

有域山者有域民之國桑姓食黍射域是食有人方扞

弓射黃虵

扞挽也音紆

名曰域人

有國曰顓頊生伯服食黍有馳姓之國

音如橘柚之柚

有人名曰張弘在海上捕魚海中有張弘之國

或曰即奇肱人

疑非食魚使四鳥有人焉鳥喙有翼方捕魚于海

有國名曰淑士顓頊之子

言出自高陽氏也

有西州之國姬姓食穀有人方耕名曰叔均帝俊生后

稷後宜為譽譽第
二妃生后稷也稷降以百穀稷之弟曰台璽生叔均

叔均是代其父及稷播百穀始作耕

赤水之西有先民之國食穀使四鳥有北狄之國黃帝

之孫曰始均始均生北狄有芒山有桂山有搖山此山
多桂

及搖木因其上有人號曰太子長琴顓頊生老童世本
云顓

頊娶于滕瓚氏謂即重黎也高辛氏
火正號曰祝融也老童生祝融

生太子長琴是處搖山始作樂風有五彩鳥三名一曰

皇鳥一曰鸞鳥一曰鳳鳥有蟲狀如菟胸以後者裸不

見

言皮色青故不見其裸露處

青如猿狀

有沃之國

言其土饒沃也

沃民是處沃之野鳳鳥之卵是食甘

露是飲凡其所欲其味盡存

言其所願滋味此無所不備

爰有甘華

甘相白柳視肉三騅璇瑰瑤碧白木琅玕白丹青丹多

銀鐵是謂沃之野

大荒之中有龍山日月所入有三澤水名曰三淖昆吾

之所食也

穆天子傳曰淄水濁繇氏之所食亦此類也

南嶽娶州山女名曰女虔女虔生季格季格生壽麻壽

麻正立無景疾呼無嚮爰有大暑不可以往有人無首
操戈盾立名曰夏耕之尸故成湯伐夏桀于章山克之
斬耕厥前耕既立無首走厥咎乃降於巫山有盖山之
國有樹赤皮支幹青葉名曰朱木

威木 或作朱

有互人之國

人面魚身

炎帝之孫名曰靈恕

音如券 契之契

靈恕生

互人是能上下于天

言能乘雲雨也

有胡不與之國

一國復名耳今胡夷語皆通然

裂姓黍食

有肅慎氏之國有蟲獸首蛇身名曰琴蟲

有始州之國有丹山

此山純出丹朱也竹書
曰和甲西征得丹山

大荒之中有叔歆國

音作感反
一音觸

顓頊之子黍食使四鳥

虎豹熊羆有黑蟲如熊狀名曰猎猎

或作鷩
音夕同

有北齊之

國姜姓使虎豹熊羆

毛民之國依姓食黍禹生均國均國生役采役采生修

鞞

音裕

修鞞生綽人帝念之潛為之國是此毛民

西北海外流沙之東有國曰中輪顓頊之子食黍有國

名曰賴丘

南海之內黑水青水之間有禺中之國有列襄之國有

牛黎之國有人無骨儋耳之子

儋耳人生無骨子也

有國名曰朝鮮天毒其人水居

天毒即天竺國

西海之內流沙之中有國名曰壑市流沙之西有國名

曰汜葉

流沙之東黑水之西有朝雲之國司羸之國

有鹽長之國有人焉鳥首名曰鳥氏有九丘以水絡之名曰陶唐之丘有叔得之丘孟盈之丘昆吾之丘黑白

之丘赤望之丘參衛之丘武夫之丘神民之丘西南有

巴國大皞生咸鳥咸鳥生乘釐乘釐生後照後照是始

為巴人有國名曰流黃辛氏即鄴氏也其域中方三百里有

巴遂山澠水出焉又有朱卷之國有黑虵青首食象即巴

也虵

北海之內有反縛盜械帶戈常倍之佐名曰相顧之尸

亦貳負臣危之類伯夷父生西嶽西嶽生先龍先龍是始生氏

羌氏羌乞姓

伯夷父顓頊師今氏羌其苗裔也

北海之內有大玄之山有玄丘之民

言丘上人
物盡黑也

有大幽之國

即幽民也
穴居無衣

有赤脰之民

膝已下
正赤色

有釘靈之國其民從膝已下有毛馬蹄善走

並上

西北海外有人焉長二千里兩脚中間相去千里腹圍
一千六百里俱日飲天酒五斗張華注云天酒甘露也
不食五穀魚肉惟飲酒好游山海間不犯百姓不干萬
物與天地同生名無路之人一名仁一名信一名神

神異

經

西北荒中有小人焉長一寸員如長朱衣玄冠乘輶車
導引有威儀人遇其乘車並食之其味辛楚終不為蟲
象所咋並識萬物名字殺腹中三蟲

八荒之中有毛人喜食人名曰髯公俗曰髯麗一名髯
狎西荒之中有人着敗衣手虎爪名獬猶欲食人腦東

南隅大荒中有林父其高千里其圍百輔

並上

西極之南隅有國焉不知境界之所接名古莽之國陰
陽之氣所不交故寒暑亡辨日月之光所不照故晝夜

亡辨其民不衣不食而多眠五旬一覺以夢之所為者
實覺之所見者妄四海之齊謂中央之國跨河南北越
岱東西萬有餘里其陰陽之審度故一寒一暑昏明之
分察故一晝一夜其民有智有愚萬物滋殖才藝多方
有君臣相臨禮法相持其所云為不可稱計一覺一寐
以為覺之所為者實夢之所為者妄東極之北隅有阜
落之國其土氣常燠日月餘光之照其土不生嘉苗其
民食草及水實不知火食性剛悍強弱相藉貴勝而不

尚義多馳步少休息常覺而不眠

列子

越之東有輒沐之國其長子生則解而食之謂之宜弟
其大父死負其大母而棄之曰鬼妻不可以同處楚之
南有炎人之國其親戚死朽其肉而棄然後埋其骨秦
之西有義渠之國其親戚死聚柴積而焚之燠則烟上
謂之登遐然後成為孝子

上

乘雲蠶產之國肝心不朽之民巢居野處獨目三首馬

間狗蹄修臂交股黃池無男穿胸勞口

抱朴子

北夷之氣象羣羊南夷之氣象船

魏子

黃帝之世茹豐氏有罪刑而放之扶伏而去是為扶伏

民居玉門外

玄中記

高陽氏有同產而為夫婦者帝怒放之於是相抱而死
有神鳥以不死竹覆之七年男女皆活同頸異頭共身

四足是為蒙雙氏

外國圖

黃州之西二萬里有孝養之國其俗人年三百歲而織
茅為衣即尚書島夷卉服之類也死葬之中野百鳥銜

土為墳羣獸為之掘穴有親死者刻木為影事之如生其俗驍勇能嚙金石其舌杪方而本小手搏千鈞以爪畫地則洪泉湧流善養禽獸入海取虬龍育于園室以充祭祀昔黃帝伐蚩尤除諸凶害獨表此處為孝養之鄉舜封為孝讓之國舜受堯禪其國執玉帛來朝特加賓禮異于餘戎狄也

拾遺記

夷有九種曰畎夷於夷方夷黃夷白夷赤夷玄夷風夷陽夷少康後世服王化賓于王門獻其樂舞

後漢書

溟海北有勃鞞之國人皆衣羽毛無翼而飛日中無影
壽千歲食以黑河水藻飲以陰山桂脂憑風而翔乘波
而至獻黑玉之環色如淳漆貢玄駒千匹

拾遺記

成王即政三年有泥離之國來朝其人稱自發其國常
從雲裏而行聞雷霆之聲在下或入潛穴又聞波瀾之
聲在上視日月以知方國所向計寒暑以知年月考國
之正朔則序歷與中國相符

燃丘國經歷百有餘國方至京師越鐵峴泛沸海虵州

蜂岑鐵峴峭礪車輪剛金為網比至京師輪皆銚銳幾
盡又沸海洶湧如煎魚鱉皮骨堅強如石可以為鎧泛
沸海之時以銅薄舟底蛟龍不能近也又經虵州則以
豹皮為屋于屋內推車又經蜂岑燃胡蘇之木此木烟
能殺百蟲經途十五餘年乃至洛邑成王封泰山禪社
首使發其國之時並童稚至京師鬚皆白及還至燃丘
復還少壯

盧扶國來朝渡河萬國方至云其國中山川無惡鳥獸

水不揚波風不折木人皆壽三百歲結草為衣是謂卉
服至死不老咸知孝讓壽登百歲以上相敬如至親之
禮死葬於野外以香木靈草瘞掩其尸閭里助送號泣
之音動於林谷河源為之流止春水為之改色居喪水
漿不入於口至死者骨為塵埃然後乃食昔大禹隨山
導川乃旌其地為無老純孝之國

始皇好神仙之事有宛渠之民乘螺舟而至舟行似螺
沉行海底而水不浸入一名淪波舟其國人長十丈編

鳥獸之毛以蔽形始皇與之語及天地初開之時了如

親覩曰臣國在咸池日沒之所九萬里以萬歲為一日

俗多陰霧遇其晴日則天豁然雲裂耿若江漢則有玄

龍黑鳳翱翔而下及夜燃石以繼日光此石出燃山其

土石皆自光徹叩之則碎狀如粟一粒輝映一堂昔炎

帝始變生食用此火也國人今獻此石或有投其石於

溪澗中則沸沫流於數十里名其水為焦淵臣國去軒

轅之丘十萬里少典之子採首山之銅鑄為大鼎臣先

望其國有金火氣動奔而往視之三鼎已成又見冀州
有異氣應有聖人生果有慶都生堯又見赤雲入于鄴
鎬走而往視果有丹雀瑞昌之符始皇曰此神人也彌
信仙術焉

含塗國貢其珍怪其使云去王都七萬里鳥獸皆能言
語鷄犬死者埋之不朽經歷數世其家人遊於山阿海
濱地中聞鷄犬鳴吠主乃握取還家養之毛羽雖禿落
更生久乃悅澤

孝惠帝時有道士姓韓名稚則韓終之胤也越海而來云是東海神使聞聖德洽乎區宇故悅服而來庭時有東極出扶桑之外有泥離之國來朝其人長四尺兩角如繭牙出于唇自乳已來有靈毛自蔽居于深穴其壽不可測也帝云方士韓稚解絕國人言令問人壽幾何經見幾代之事答曰五運相承迭生迭死如飛塵細雨存歿不可論筭問女媧以前可聞乎對曰蛇身以上八風均四時序不以威悅攬乎精運又問燧人以前答曰

自鑽火變腥以來父老而慈子壽而孝自軒皇以來屑
屑焉以相誅滅浮靡囂動淫於禮亂於樂世德澆訛淳
風墜矣稚以答聞於帝帝曰悠哉杳昧非通神達理者
難可語乎斯遠矣稚於斯而退莫知其所之帝使諸方
士立仙壇於長安城北名曰祠韓館俗云司寒之神祀
於城陰按春秋傳曰以享司寒其音相亂也定是祠韓
館

有遺池國人長三尺壽萬歲以茅為衣服皆長裾大袖

因風以昇烟霞若鳥用羽毛也人皆雙瞳修眉長耳食
九天之正氣死而復生于億劫之內見五獄再成塵扶
桑萬歲一枯其人視之如旦暮也北有浣腸之國甜水
繞之味甜如蜜而水強流迅急千鈞投之久久乃沒其
國人常行於水上逍遙於絕嶽之嶺度天下廣狹繞八
柱為一息經四軸而暫寢拾塵吐霧以筭歷劫之數而
成丘阜亦不盡也

渠搜國之西有祈淪之國其俗淳和人壽三百歲有壽

木之林一樹千尋日月為之隱蔽若經憇此木下皆不
死不病或有泛海越山來會其國歸懷其葉者則終身
不老

西方有因霄之國人皆善嘯丈夫嘯聞百里婦人嘯聞
五十里如笙竽之音秋冬則聲清亮春夏則聲沉下人
舌尖處倒向喉內亦曰兩舌重沓以爪徐刮之則嘯聲
逾遠故呂氏春秋云反舌殊鄉之國即此謂也有至聖
之君則來服其化

有頻斯國人來朝以五色玉為衣如今之鎧其使不食
中國滋味自賚金壺壺中有漿凝如脂嘗一滴則壽千
歲其國有大楓木成林高六七十里善筭者以里計之
雷電常出樹之半其枝交蔭于上蔽不見日月之光其
下平淨掃灑雨霧不能入焉樹東有大石室可容萬人
坐壁上刻為三皇之像天皇十三頭地皇十一頭人皇
九頭皆龍身亦有膏燭之處緝石為牀牀上有漆痕深
三寸牀上有竹簡長尺二寸書大篆之文皆言開闢以

來人事莫能識或言是伏羲畫卦之時有此書或言是
蒼頡造書之處

員嶠山有陀移國人長二尺壽萬歲廣延之國人長二

尺

並上

漢武時月氏國遣使獻香云乘毳車而濟弱淵策冀足
以度飛沙契濶遙途辛勤蹊路

十洲記

太初四年東方朔從支提國來國人長三丈二尺三手
三足各三指多力善走國內小山能移之有澗泉飲能

盡 洞冥記

荊州有臯飲之蠻南城有頭飛之夷

桓譚新論

倭南有侏儒國其人長三四尺去女王國四千餘里

魏畧

辰韓國兒生以石壓其頭欲其扁今辰韓人皆扁頭

魏志

扶南王范尋常畜虎五六頭及鱷魚十頭若有訟未知

曲直便投與魚虎魚虎不食則為有理獬豸之人祭虎

為神將有以也

異苑

西域有鼠王國鼠之大者如狗中者如兔小者如常大

鼠頭悉已白然帶金環枷商估有經過其國不先祈祀者則啗人衣裳也得沙門咒願更獲無他釋安昔至西方親見如此俗諺云鼠得死人目睛則為王

河東毋丘儉字仲恭嘗征沃沮使王頎窮其東界耆老云曾有一破船隨波流出在海岬邊有一人項中復有面生得之與語不相通不食而死

並上

大秦國隔海心無憂患輒遇善風二十日得度若憂即數年不得度故諺曰心無憂患不經二旬心若憂患遠

離三春

西域志

巴郡南郡蠻本有五姓其山有赤黑二穴巴氏之子生於赤穴四姓之子皆生黑穴未有君長但事鬼神乃共擲劍於石穴約能中者奉以為君巴氏子務相乃獨中之衆皆歎服又令乘土船約能浮者當以為君餘姓悉沉唯務相獨浮因其立之是為廩君乃乘土船從夷水至鹽陽鹽水有神女謂廩君曰此地廣大魚鹽所出願留共君廩君不許鹽神暮輒來取宿旦即化為蟲與諸

蟲羣飛掩蔽日光天地之晦冥積十餘日廩君因射殺
之天乃開明廩君於是君乎夷城四姓皆臣之廩君死
魂魄世為白虎巴氏以虎飲人血遂以人祠焉

東漢書

高麗之先夫餘王嘗得河伯女因閉於室為日光隨而
照之感而遂孕生一卵五升大有一男子破殼而生名

曰朱蒙

朝鮮
史畧

袁鈞者羌豪也秦時拘執為奴隸後得亡去秦人追之
急迫藏於穴中秦人焚之有景相如虎來為蔽故得不

死諸羌神之推以為君其後種落熾盛

搜神記

扶桑國有南北獄若有犯輕罪者入南獄重罪者入北

獄有赦則放南獄不放北獄

南史

天竺迦毗黎國元嘉五年國王月愛遣使奉表曰伏聞
彼國據江傍海山川周固衆妙悉備莊嚴清淨猶如化
城宮殿莊嚴街巷平坦人民充滿歡娛安樂聖王出遊
四海隨從聖明仁愛不害衆生萬邦歸仰國福如海國
中衆生奉順正法大王仁聖化之以道慈施羣生無所

遺惜帝修淨戒軌道不及無上法船濟諸沉溺羣僚百
官受樂無怨諸天擁護萬神侍衛天魔降伏莫不歸化
王身端嚴如日初出仁澤普潤猶如大雲聖賢承業如
日月天於彼真丹最為殊勝臣之所住名迦毗河東際
於海其城四邊悉紫紺石首羅天護令國安隱國王相
承未嘗斷絕國中人民率皆修善諸國來集共遵道法
諸寺舍中皆七寶形像衆妙供具如先王法臣自修檢
不犯道禁臣名月愛棄世王種惟願大王聖體和善羣

臣百官悉自安隱今以此國羣臣吏民山川珍寶一切
歸屬五體歸誠大王足下山海遐隔無由朝覲宗仰之
至遣使下承使主父名天魔悉達使主父名尼陀達此
人由來良善忠信是故今遣奉使表誠大王若有所須
珍竒異物悉當奉送此之境土便是王國王之法令治
國善道悉當承用願二國信使往來不絕此反使還願
賜一使具宣聖命備勅所宜款至之誠望不空反所白
如是願加哀愍奉獻金剛指環摩勒金環諸寶物赤白

鸚鵡各一頭

沈約宋書 他表相類不重錄

大同中盤盤國丹丹國武昌國高昌國遣使獻方物帝
令有司設充庭法駕雅樂九闕百寮具朝服如元正之
儀帝問四公異國來庭爵命高下欲以上公秩加之齠
公曰成王太公周公輔政越裳氏重譯來貢不聞爵命
及之春秋邾楚之君爵不加子設使其君躬聘依禮經
位止子男若加以上公恐非稽古帝固謂齠公更詳定
之俄屬暴風如旋輪曳帝裙帶帝又問其事公曰明日

亦未果請他日議之帝不懌學士羣誹之向夕帝女墜閣而死禮竟不行後詰之對曰旋風襲衣愛子暴殞更

何疑焉

梁四公記

西海中有島島上有大林林皆寶樹中有萬餘家其人皆巧能造寶器所謂拂林國也

杰公曰以今所知女國有六何者北海之東方夷之國有女國天女下降為其君西南夷板楯之西有女國其女悍而男恭女為人君以貴男為夫置男為妾勝昆明

東南絕徼之外有女國以猿為夫生男類父而入山谷
晝伏夜遊生女則巢居穴處南海東南有女國舉國惟
以鬼為夫夫致飲食禽獸以養之勃律山之西有女國
山出台虺之水女子浴之而有孕其女舉國無夫西海
西北有女國以蛇為夫男則為蛇不噬人而穴處女為

臣妾官長而居宮室

並上

女國在葱嶺之南其國代以女為王王姓蘇毗字末羯
在位二十年女王之夫號曰金聚不知政事國內丈夫

唯以征伐為務山上為城方五六里人有萬家王居九層之樓侍女數百人五日一聽朝復有小女王共知國政其俗婦人輕丈夫而性不妬忌男女皆以彩色塗面一日之中或數度變改之人皆被髮

隋書

天監時西北遠邊有白題及滑國入貢二國歷代弗賓莫知所出裴子野曰漢潁陰侯斬胡白題將一人服虔注云白題胡名也又漢定遠侯擊虜入滑此其後乎時

服其博

梁史

元魏時北夷酋長遣子入侍者常秋來春去以避中國之熱時人謂之雁臣

伽藍記

于闐國是老子化胡成佛之所俗無禮義多賊盜淫縱王錦帽金鼠冠妻戴金花其王髮不令人見俗云若見王髮年必儉

隋書

吐火羅國都葱嶺西五百里與挹怛雜居都城方二里勝兵者十萬人皆習戰其俗奉佛兄弟同一妻迭寢焉每一人入房戶外挂其衣以為志生子屬其長兄其山

穴中有神馬每歲牧牝馬于穴所必產名駒

漕國在葱嶺之北漢時蜀賓國也其王姓昭武字順達
康國王之宗族都城方四里勝兵者萬餘人國法嚴整
殺人及賊盜皆死其俗淫祠葱嶺山有順天神者儀制
極華金銀鑠為屋以銀為地祠者日有千餘人祠前有
一魚脊骨其孔中通馬騎出入國王戴金魚頭冠坐金
馬座

林邑王死七日而葬有官者三日庶人一日皆以函盛

屍鼓舞導從輿至水次積薪焚之收其餘骨王則內金
甕中沉之于海有官者以銅甕沉之于海口庶人以瓦
送之于江

疏勒國都白山南百餘里漢時舊國也其王字阿彌厥
手足皆六指產子非六指者即不育

並上

帝行次金城郡黨項羌首朝見帝問曰古有先零燒當
等種落爾是何者之後對曰相傳獼猴之後帝笑之

大業

拾遺

煬帝令朱寬征留仇國還獲男女口千餘人并雜物產
與中國多不同緝木皮為布甚細白幅濶三尺二三寸
亦有細斑布幅濶一尺許又得金荊榴數十觔木色如
真金密緻而文彩盤蹙有如美錦甚香極精可以為枕
及紫面雖沉檀不能及彼土無鍊朱寬還至南海郡留
仇中男夫壯者多加以鍊鉗鎖恐其道逃叛還至江都
將見為解脫之皆手把鉗叩頭惜脫甚于中土貴金人
形短小似崑崙

朝野
僉載

東方極豪林之墟名阿羅提國人壽四百歲南方極洞
陽之野其國人壽三百六十歲西方極浩素之龍其國
人壽六百歲北方極朔陽之庭名旬羅之國人壽三百

歲

放品
經

廣博物志卷八

欽定四庫全書

廣博物志卷九

明 董斯張 撰

斧扆上

盤古氏至帝嚳止

丹壺書云皇次四世蜀山逐傀六世渾敦七世東戶十
七世皇覃七世啟統三世吉夷四世九渠一世侁韋四
世大巢二世遂皇四世庸成八世凡六十有八世是為
因提之紀倉頡一世栢皇二十世中央四世大庭五世

粟陸五世麗連十一世軒轅三世赫胥一世葛天四世宗

盧五世祝融二世昊英九世有巢七世朱襄三世陰康

二世無懷六世凡八十有八世是為禪通之紀可謂備

矣而又有鉅靈氏句強氏自句強而下次譙明氏次涿

光氏以次至次民氏總曰循蜚紀有號而無世自是而

上亦惟有九皇氏地皇氏天皇氏又上而乃有盤古氏

基之渾沌之說其言渾沌之初所謂上無復色下無復

淵為說甚繁非足貽訓故絀焉

史路

太古之民皆壽盈易始三頭謂之合雄紀生子三世合
雄氏沒子孫相傳記其受命謂之叙命紀生子二世通

紀四姓男女衆多羣居連逋從強而行是謂連逋紀生

子一世通紀五姓是謂五姓紀天下羣居男女衆多各

有居方故號居方氏居方氏沒生子三十二世強弱相

迫中有神人提挺而治故號提挺氏提挺氏生子三十

五世通紀七十二姓故號通姓氏古三墳合雄或作合雄齊授梁策云

皇雄大庭之

辟想指此

盤古垂死化身氣成風雲聲為雷霆左眼為日右眼為
月四肢五體為四極五嶽血液為江河筋脉為地里肌
肉為田土髮髭為星辰皮毛為草木齒骨為金石精髓
為珠玉汗流為雨澤身之諸蟲因風所感化為黎甦元氣

論 又五運歷年記云盤古之君龍首蛇身嘘為風雨
吹為雷電開目為晝閉目為夜死後骨節為山林腸為

江海血為淮瀆
毛髮為草木

荆湖南北以十月十六日為盤古氏生日

路史

三一者上一真帝之極中一真皇之主下一真王之妙

天皇得極故上成皇極地皇得主故上成正一人皇得

妙故上成衆妙

靈寶經

天皇出於柱州即無外山也

遁甲開山圖

天皇九翼提名旋復

河圖括地象也提名策名也

九翼輔翼者九人旋復言其變化

天皇氏以獲為名以望為姓字子潤

路史

天皇於是斟元陳樞以立易威

春秋保乾樞

天皇之先與乾曜合元君有五期輔有三名

易通卦驗注云君之

用事五行更王者亦有五期三輔公卿大夫也

地皇出於雄耳龍門之獄人皇出於刑馬山提地之國

上

地皇姓鑑名嶽字子元人皇姓愷名胡洮字文生

洞神經

天皇氏以木王地皇氏以火紀

春秋命歷序

人皇氏駕六提羽乘雲祇車

見雜書寰宇記作抵車悞

人皇氏駕六蜚鹿政三百歲

春秋命歷序

人皇厭倦塵事乃授籙於五姓

真源賦

皇伯皇仲皇叔皇季皇少五姓同期俱駕龍號曰五龍

命歷序 真源賦云五
姓乘雲車而治天下

昔者太極泮而渾敦氏職焉渾敦氏逸而有初三皇君
三皇射而二靈作二靈後乃有十紀其六在鉅靈氏之
前百七十有八姓其四在鉅靈氏之後三紀五十二姓
而疏佗之紀自黃帝始

路史

黃神氏或曰黃秣黃頭大腹出天參政

春秋命
曆序

人皇沒拒神次之出於長淮駕六蜚羊

上

雲陽氏是謂陽帝蓋處於河亦著甘泉以故黃帝以來

大祀於甘泉

史路

蜀之為國肇自人皇其始有蠶叢帝拍護帝魚鳧帝

或作

折護與伯雍者非寰

宇記作伯禽尤疎

最後乃得望帝杜宇寔為滿捍

揚雄

蜀紀

執中涵和除日無歲無內而無外者渾沌氏之治也

莊子

冉相氏得其環中以隨成與物無終無始無幾無時曰

與物化者一不化者也此之謂真人上

秦上成鳩之道一族用之萬八千歲增規不圓益矩不

方鵠冠

子

次民氏是為次是氏

洛書摘亡辟注以次是民為皇次屈非也

几蘧氏之御天下也不治而不亂天下之人惟知母不知父鵠居穀飲而不求名譽晝則旅行夜則類處及其死也橐舁風化而已命之曰知生之民

亢倉子

辰放氏是為皇次屈渠頭四乳駕六蜚磨出地郭而從日月上下天地與神合謀古初之人卉服蔽體次民氏沒辰放氏作時多陰風乃教民撻木茹皮以禦風霜綯

髮閤首以去靈雨而人從之命之曰衣皮之人

辰放六頭四乳在位二百五十年離光次之號曰皇談

銳頭日角駕六鳳凰

春秋命歷序

談一作譚

東戶氏之熙載也紹荒屯遺美好垂精拱默而九寰以

承流當是之時禽獸成羣竹木遂長道上顏行而不抬

遺耕者餘餼宿之隴首其歌樂而無謠其哭哀而不聲

皆至德之世也

子思子
戶一作扈

尊盧氏是為宗盧其立政也官天地府萬物革天下之

故惟以幣行無所甚親無所甚疎抱德煬和以順天下

而世用寧焉治九十餘載位強臺之陽堊浮肺山之陰

有巢氏編槿而廬緝糴而扉

開山圖石門山在郎邪昔有巢氏治此山南

有巢氏駕六龍從日月是曰古皇龜龍效圖書畀於是

文成而天下治

有巢氏亦曰大巢氏出世紀

燧明之國不識晝夜上有燧木後世聖人遊於日月之外以食救物至於南垂觀此燧木有鳥類鶚喙其枝則火出取以鑽火號燧人氏燧人氏之時維出四佐以代

天理物乃大臣職命明絲政乎陞級畢旒辨乎方色

論語

摘輔象云必有受稅俗注云受稅賦及徭役所宜必畢古通用

成博受乎古諸都鄙之事隕

蓋錄乎延嬉

延長嬉福也蓋謂祭祀蓋一作丘

四后職而天道平人事

理龍圖呈瑞龜字効靈於是占建而正

定方名東西南北是也

握機矩表計寘指天以布躔而齊七政始注物蟲鳥獸

之名而通國之輕重以轉民之貨

管子云燧人以來未有不以輕重而為天

下者也人滋反醇情欲蠢動好嗜外迫則冒禮而忘形以

賤其神乃制男子三十而取女子二十而歸

一云女二十五逸禮

本命篇云太古男五十而取女三十而嫁中古男三十而室女二十而嫁以息其民為之進

退以耻其凡是故父老而慈子壽而孝著之世姓而法

自是作禮繇此顯矣

禮記疏云禮有三起禮事起於遂皇禮名起於黃帝

遂人氏立傳教之臺伏羲作十言之教神農頌時令黃

帝作歷法

倉帝史皇氏名頡姓侯岡龍顏侈哆四目靈光

廟碑云倉頡天

生德於大聖四目靈光為百王作憲其銘曰穆穆聖倉
熹平六年立按春秋演孔圖及春秋元命苞叙帝王之
相云倉頡四目是謂並明頡帝戴干是謂崇仁帝皓戴
干是謂清明允眉八彩是謂通明舜日重瞳是謂無景

禹耳三漏是謂大通湯臂三肘是謂柳翼文王四乳是謂含良武王斷齒是謂剛強不及人臣也故索靖草書狀曰聖皇御世隨時之宜倉頡既王書契是為而世紀乃言黃帝史官倉頡取象鳥迹始作文字紀其言動策而藏之名曰書契妾也

栢皇氏姓栢名芝是為皇栢出搏日之陽駕六龍以木紀德為而不有應而不求立於正陽之南

大庭氏之膺籙也適有嘉瑞三辰曾輝五鳳異色都于曲阜故魯有大庭氏之庫昔者黃帝禘於大庭之館茲其所矣

葛天氏葛天者權天也爰儼旋穹作權象故以葛天為

號

說文葛蓋也與鷓皆音蓋而集韻蓋覆也居曷切蓋曷蓋古通用故曷且作蓋且渴竭本從蓋竭竭一從

蓋韞璣璣嗑一皆

從葛世不知爾

啟統氏別無攷見獨起居舍人張衡運紹紀若通載有之而乃序之尊盧氏之後觀衡自言歷觀四部古人圖

錄其亦有所取矣

史路

祝誦氏

庸誦古通用一作頌故禮庸鐘容磬及漢書為容皆作頌有以也

一曰祝龢

見

樓是為祝融氏

祝斷也化而裁之謂陸佃解月令說云木發而榮之金尊而收之火祝而融

之水玄而冥之蓋融而熟之火也 按陳晦伯所引兼
明書謂燧人女媧祝融俱霸而不王說甚不經備錄之
攷以俟

祝融棲神於衡阜虞帝登仙於蒼梧赫胥曜迹於潛山

黃帝飛輪於鼎湖

仙傳拾遺

無懷氏之撫世也以道存心以德安刑過而不悔當而
不掄富世之人甘其食樂其俗安其居而重其生意恙
不堅於色堅白不刑於心而漸毒不萌於動世用太平
鳳凰降龜龍閣風雨節而寒暑時於是陞中泰山以宗

天禪云云以復墜勒石昭示而天下益趣於文矣

見管子大

戴禮
史記

赫蘇氏是為赫胥

天生蒸民而樹之君所以對揚天休司牧黔首攝提合

維以前栗陸麗連之外書契不傳無得稱也

梁元帝答
王僧辨書

予述此書自遂人而下益詳遂人而上雖復著之有不
得而詳者若夫上之號氏世姓多得之外書如風俗通
之列僊氏始學篇之卷須氏皆誕繆無鞅者也又有得

以僅存者如氏譜之吉夷氏莊子之冉相氏豨韋氏皇覽之巫常氏王潛夫之神民氏子思子之東戶氏亢倉子之几蘧氏風俗通之帝疇氏和菟史之太菟氏鬼菟氏命歷序之黃神氏拒神氏辰放氏皇談氏然皆不得考其上下獨夏后氏之書注山水之所自多有諧其號

氏者豈其人之所自出而迹之所麗邪

路史按羅氏所載如神民氏

大隗氏鉅靈氏朗陵陳晦伯駁之極當不更錄

三皇者何謂也謂伏羲神農燧人也或曰伏羲神農祝

融也禮曰伏羲神農祝融三皇也謂之伏羲者何古之時未有三綱六紀民人但知其母不知其父能覆前而不能覆後臥之誅誅起之吁吁饑即求食飽即棄餘茹皮飲血而衣皮韋於是伏羲仰觀象於天俯察法於地因夫婦正五行始定人道畫八卦以治下下伏而化之故謂之伏羲也謂之神農何古之人民皆食禽獸肉至於神農人民衆多禽獸不足於是神農因天之時分地之利制耒耜教民農作神而化之使民宜之故謂之神

農也謂之燧人何鑽木燧取火教民熟食養人利性避
臭去毒謂之燧人也謂之祝融何祝者屬也融者續也
言能屬續三皇之道而行之故謂祝融也五帝者何謂
也禮曰黃帝顓頊帝嚳帝堯帝舜五帝也黃帝中和之
色自然之性萬世不易黃帝始作制度得其中和萬物
常存故稱黃帝也謂之顓頊何顓者專也頊者正也能
專正天人之道故謂之顓頊也謂之帝嚳者何也嚳者
極也言其能施行窮極道德也謂之堯者何堯猶堯堯

也至高之貌清妙高遠優游博衍衆聖之主百王之長也謂之舜者何舜猶倂倂也言能推信堯道而行之三王者何謂也夏殷周也夏者大也明當守持大道殷者中也明當為中和之道也聞也見也謂當道著見中和之為也周者至也密也道德周密無所不至也

白虎通

三皇禪於繹五帝禪於亭三王禪於梁父

風俗通

含文嘉記虛戲燧人神農伏者別也變也戲者獻也法也伏羲始別八卦以變化天下天下法則咸服貢獻故

曰伏羲也燧人始鑽木取火炮生為熟令人無復腹疾
有異於禽獸遂天之意故曰遂人也神農神者信也農
者濃也始作耒耜教民耕種美其衣食德濃厚若神故
為神農也尚書大傳說遂人為遂皇伏羲為戲皇神農
為農皇也遂人以火紀火太陽也陽尊故託遂皇於天
伏羲以人事紀故託戲皇於人蓋天非人不因人非天
不成也神農悉地力種粢疏故託農皇於地天地人道
備而三五之運興矣黃帝始制冠冕垂衣裳上揀下宇

以避風雨禮文法度興事創業黃者光也厚也中和之
色德四季與地同功故先黃以別之也額者專也頊者
信也言其承易文之以質使天下蒙化皆貴貞慤也譽
者考也成也言其考明法度醇美譽然若酒之芬香也
堯者高也饒也言其隆興煥炳最高明也推行道德舜
者推也循也言其循堯緒也

風俗通

太昊宅東少昊宅西炎帝居南顓帝居北

路史

太昊伏羲氏

昊本作昇按太昊幣文作昊又作夷夷並太昊字

方牙一曰蒼牙

通卦驗云遂皇出握機矩表計冥而其刻曰蒼牙通靈
昌之成謂伏羲也說者以為文王非按雷吏有蒼牙所
謂蒼牙風姓孔演明道經云燧皇在伏羲前風姓始王
利鋒者風姓天下是伏羲因燧皇之姓矣三墳書言因
風而生為風姓鄧氏姓書云東方之帝木能生風故為
姓豈其然哉予固謂上世嘗有風國因為姓爾故帝後
有風后風國之後蓋久而後得之
玄女經云禹問風后知其後云 是為春皇包羲世多
作庖

攝轉 亦號天皇人帝皇雄氏一作熊並音弘世 蒼精之
失紀云一作雄皇

君也見鄭禮記注梁武祠像碑云伏羲 母華胥孕十有
蒼精始造工業畫卦結繩以理

二歲以十月四日降神帝系譜云人定時生孝經河圖
云伏羲在亥得人定之應張說

文衍文符歷序謹以十六年八月端五赤光照室
之夜皇雄成紀之辰是以為八月五日矣非也 得亥

之應故謂曰歲

或曰伏羲即木帝故曰歲十有二年而生也木生丁亥十月在亥復得亥時其

符皆

至

庖犧生成紀神農生石穴黃帝生壽丘顓頊生若水帝

堯生石孔武王生元氏

帝王世紀

天皇伏羲氏策辭曰昔在天皇居於君位咨於將咨於相咨於民垂皇策辭皇曰惟我生無道承父居方三十二易草木上升君位我父燧皇歸世未降河圖生民結繩而無不信於未甲八太七成三十二易草木惟我老

極時生人衆多羣蟲聚欲相吞害惟天至仁於草生月
天雨降河龍馮負圖神開我心子其未生我畫八卦自
上而下咸安其居後二成二十二易草木皇曰命子襄
居我飛龍之位主我圖文代我咨於四方上下無或私
襄曰咸若咨衆之辭君無念哉後一易草木皇曰命子
英居我潛龍之位主我陰陽甲歷咨於四方上下無或
差英曰依其法亦順君無念哉皇曰無為後二十二易
草木皇氏進歷於君曰歷起甲寅皇曰甲日寅辰乃

鳩衆於傳教臺告民示始甲寅易二月天皇升傳教臺
乃集生民后女媧子無闕

之右上相共工下相皇桓飛龍朱襄氏潛龍昊英氏居
君左右栗陸氏居北赫胥氏居南昆連氏居西葛天氏
居東陰康氏居下九州之牧各統其人羣居於外皇曰
咨予上相共工我惟老極無為子惟扶我王道咨告於
民俾知甲歷日月歲時自茲始無或不記子勿怠共工
曰工居君臣之位無有勞君其念哉皇曰下相皇桓我

惟老極無為子惟扶我正道撫愛下民同力咨告於民
俾知甲歷日月歲時自茲始無或不記子其勿怠桓曰
居君臣之位無有勞君其念哉皇曰栗陸子居我水龍
之位主養草木開道泉源無或失時子其勿怠陸曰竭
力於民君其念哉皇曰大庭主我屋室視民之未居者
喻之借力同構其居無或寒凍庭曰順民之辭皇曰陰
康子居水土俾民居處無或漂流勤於道達於下康曰
順君之辭皇曰混沌子居我降龍之位惟主於民皇曰

昆連子主我刀斧無俾野獸犧虎之類傷殘生命無俾
同類大力之徒毆逐微弱子其伏之連曰專主兵事君
無念哉皇曰四方之君咸順我辭則世無害惟愛於民
則位不危皇曰子無懷安惟安於民民安子安民危子

危子其念哉

三墳

庖犧所都之國有華胥之洲神母遊其上有青虹繞神
母久而方滅即覺有娠歷十二年而生庖犧長頭修目

龜齒龍唇眉有白毫鬚垂委地

拾遺記○按開山圖曰
仇夷山四絕孤立伏羲

生處

伏羲自有句而應世故又曰有句氏

句即庖乃國名蓋其始迹之地其後

復封之故潛夫論太昊之後有庖國以姓今庖水在山陽平樂而帝墓又在山陽則其故迹無疑也後世弗知謂為庖厨已失大妄而班志更以為炮鄙陋甚矣

伏虞義戲字義皆同史傳或謂伏牛乘馬因號伏犧取犧牲以充庖因號庖犧最為鄙妄按莊周等古書皆作虞戲無作義者且伏羲古或用義而犧牛之字未有用戲者况伏豈得為服御字乎故世紀云後世音繆或謂

伏犧或作虜儀皆失其旨然史傳一書元有異辭予攷

古書獨禮緯含文嘉云伏者別也義者獻也斯為最近

王莽傳立斗獻亦音為義謂北斗之魁標若勺形然集

韻亦同稀勺而禮器之義尊乃周禮之獻尊則知義獻

在古同義而叔獻之為叔戲有以也

潛夫論云伏義世號太皞

廣成子以靈飛六甲錄八卦鎮方錄及卜法授伏羲真源

賦

伏羲生於仇夷長於起城

伏羲氏之王天下也枕石寢繩殺秋約冬

文子

伏羲作造六岌以迎陰陽作九九之數以合天道而天

下化之

管子

伏羲禪於伯牛鑽木作火

河圖挺佐輔

伏羲舉六佐以自策命金提繇俗指苦蓋謹窖臧視之

未居者借力成之以靖敷民命鳥明建方泝窾木絕港

道以濟不通奠八方旌九位而分九土命視冒為眚志

災惡察虛實居百賄以平民

摘輔象曰鳥明主建福視墨主災惡

命紀伺

中職定於中邦

二八目作紀通宋均云為田主主內職

仲起司陸

均云主平地一

陽作司陽侯司海

宋表云陽侯伏羲之臣蓋大江之神者

六佐職而天地位

陰陽得

伏羲女媧不設法度而以至德遺於後世何則至虛無

純一而不嚶喋苛事也

淮南子

伏羲始作媒以交男女作介以交朋友女媧始作巫祝以交神人神農始作儻以通銜售軒轅始作保以通假貸少昊始作謁以通君臣夏禹始作譯以通夷夏

女皇氏妣媧雲姓

按洞神經伏羲姓風女媧姓雲號女
皇名媧蓋古聖人有不相襲以知書

傳所言女媧風姓止本伏羲言之不知其嘗更也

一曰女希

世紀云她身人首一曰女希是為女

皇而姓書希氏出於伏羲風俗通亦云女媧伏羲之妹知義希古通用

她身牛首宣髮

中

記云伏羲龍身女媧她軀列子以為皆她身牛首虎鼻故曹植贊女媧云二皇牛首她形蓋人之形目有同乎物者今相家者流取象禽獸之形體者是矣非真首牛而身她也王充云世圖女媧為婦人形斯得之矣至陶弘景遂疑佛氏地獄中有所謂牛頭阿旁者為是三皇五帝尤可怪笑

太昊氏之女弟出

於承匡生而神靈亡景亡韻少佐太昊禱於神祈而為

女婦正姓氏職昏因通行媒以重萬民之判是曰神媒

女媧申祠祝而枚占之曰吉詞曰昭昭九州日月代極
平均土地合和萬國

俗說天地開闢未有人民女媧搏黃土作人劇務力不
暇供乃引繩於泥中舉以為人故富貴者黃土人也貧

賤者絙也

通風俗

往古之時四極廢九州裂天不兼覆地不周載火熾炎
而不滅水浩洋而不息猛獸食顓民鷙鳥攫老弱於是
女媧鍊五色石以補蒼天斷鼇足以立四極殺黑龍以

濟冀州積蘆灰以止淫水蒼天補四極正淫水涸冀州
平狡蟲死額民生背方州抱圓天和春陽夏殺秋約冬
枕方寢繩陰陽之所壅沈不通者竅理之逆氣戾物傷
民厚積者絕止之當此之時卧倨倨興盼盼一自以為
馬一自以為牛其行踳踳其視瞑瞑侗然皆得其和莫
知所由生浮游不知所求魍魎不知所往當此之時禽
獸蝮蛇無不匿其爪牙藏其螫毒無有攫噬之心考其
功烈上際九天下契黃墟名聲被後世光暉重萬物乘

雷車服駕應龍駟青虬援絕瑞席蘿圖黃雲絡前白螭
後奔蛇浮游消搖道鬼神登九天朝帝於靈門宓穆休
於太祖之下然而不彰其功不揚其聲隱真人之道以
從天地之固然何則道德上通而智故消滅也

淮南子

女媧尚白神農赤黃帝黑少昊白高陽赤高辛黑唐白

虞赤

論語
疏

炎帝神農氏姓伊耆

一作祈世以為堯姓非也熊安云
伊耆氏即神農詳詩禮正義集韻

作帆云古天子

名軌

見春秋鉤
命訣註

一曰石年

見春秋命歷
序或作耳

說

神農生三辰而能言五日而能行七朝而齒具三歲而

能知稼穡般戲之事

元命苞

神農作耒耜地應以醴泉堯德匪懈醴泉出

禮緯

人皇神農氏政典曰惟天生民惟君奉天惟食喪祭衣服教化一歸於政皇曰惟我生無德咸若古政嗟爾四方之君有官有業乃子乃父乃兄乃弟無亂於政昔二君始皇未有書契結繩而治交易而生亦惟歸政昔

在天皇肇修文教始畫八卦明君臣民物陰陽兵象以
代結繩之政出言惟辭制器惟象動作惟變卜筮惟占
天皇氏歸氣我惟代政惟若古道以立政皇曰正天時
因地制宜厚於民民惟邦本食惟民天農不正食不豐
民不正業不專惟民有數惟食有節惟農有教林林生
人無亂政典政典曰君正一道二三凶臣正一德有常
吉時正惟四亂時不植氣正惟和氣亂作癘官正惟百
民正惟四色正惟五惟質惟良病正四百四藥正三百

六十五過數乃亂而昏而毒道正常過政反僻刑正平
過政反私祿正滿過政反侈禮正度過政反僭樂正和
過政反流治正簡過政反亂喪正哀過政反遊干戈正
亂過政反危市肆正貨過政反邪譏禁正非過政失用
皇曰嗟爾有官有業乃子乃父乃兄乃弟咸若我辭一
歸於正皇曰君相信任惟正相君輔位惟忠相官統治
惟公官相代位惟勤民官撫愛惟仁官民事上惟業父
無不義厥子惟孝兄無不友厥弟惟恭夫不游妻不淫

師不急教不失刑者形也形爾身道者導也導爾志禮

者制也制爾情樂者和也和爾聲政者正也正其事

墳三

神農虛素以公希聲若退樂與政為政樂與治為治是
故威厲而不試謂賞在於成民之生賞誠設矣然施於
人而天下化謂政亡有棄法而成治法誠立矣然刑罰
不施於人而俗善後其身而先外其身而民其神不國
其鬼不神亡隅亡適而天下正南交北幽三危暘谷偃
僂之人靡不戾止天不牟其道地不愛其寶故黃龍川

泳丹渠先產風不鳴條雨不破蒯

路史

神農伐土嗟穢燒榛埽野以教天下播種

淮南子

神農之世公耕而食婦織而衣

商子

神農修德而夙沙至夏禹焚戈甲而夷人附

崔融四鎮議

神農憔悴堯瘦臞舜黜黑禹胼胝

淮南子

宰我問於孔子曰昔者予聞諸榮伊令黃帝三百年請

問黃帝者人邪抑非人邪何以至於三百年乎孔子曰

黃帝少典之子也曰軒轅生而神靈弱而能言幻而慧

齊長而敦敏成而聰明治五氣設五量撫萬民度四方
教熊羆貔豹虎以與赤帝戰於版泉之野三戰然後得
行其志黃帝黼黻衣大帶黼裳乘龍扈雲以順天地之
紀幽明之故死生之說存亡之難時播百穀草木故教
化淳鳥獸昆蟲歷離日月星辰極畋土石金玉勞心力
耳目節用水火材物生而民得其利百年死而民畏其
神百年亡而民用其教百年故曰三百年宰我請問帝
顓頊孔子曰顓頊黃帝之孫昌意之子也曰高陽洪淵

以有謀疏通而知事養材以任地履時以象天依鬼神
以制養治氣以教民潔誠以祭祀乘龍而至四海北至
於幽陵南至於交趾西濟於流沙東至於蟠木動靜之
物大小之神日月所照莫不祇勵宰我曰請問帝嚳孔
子曰玄囂之孫螭極之子也曰高辛生而神靈自言其
名博施利物不於其身聰以知遠明以察微順天之義
知民之急仁而威惠而信修身而天下服取地之財而
節用之撫教萬民而利誨之厯日月而迎送之明鬼神

而敬事之其色郁郁其德疑疑其動也時其服也士春
夏乘龍秋冬乘馬黃黼黻衣執中而獲天下宰我曰請
問帝堯孔子曰高辛之子也曰放勳其仁如天其知如
神就之如日望之如雲富而不驕貴而不豫黃黼黻衣
丹車白馬伯夷主禮龍夔教舞舉舜彭祖而任之四時
先民治之流共工於幽州以變北狄放驩堯於崇山以
變南蠻殺三苗於三危以變西戎殛鯀於羽山以變東
夷其言不貳其德不回宰我曰請問帝舜孔子曰矯牛

之孫瞽叟之子也曰重華好學孝友聞於四海陶家事親寬裕溫良教敦而知時畏天而愛民恤遠而親親承受大命依於倪皇廟明通知為天下王使禹敷土王明山川以利於民使后稷播種務勤嘉穀以作飲食義和掌歷教授民時使益行火以辟山萊伯夷主禮以節天下夔作樂以歌籥舞和以鍾鼓皋作士忠信疏通知民之情契作司徒教民孝友敬政率經其言不惑其德不慝舉賢而天下平宰我曰請問禹孔子曰高陽之孫鯀

之子也曰文命敏給克濟其德不回其仁可親其言可
信聲為律身為度稱以上士壘壘穆穆為綱為紀巡九
州通九道陂九澤度九山為神主為民父母左準繩右
規矩履四時據四海平九州戴九天明目治天下大戴
禮

黃帝有熊氏

或作雄

姓公孫

初姓後改姬馬總以來多沒其公孫者非也

名荼

河圖挺輔佐云黃帝告天老曰荼昔夢兩龍以白圖授
予天老曰河有河圖洛有龜書天其授帝圖乎帝乃齋
往河洛有大魚沂流而泛白圖帝跪授荼古舒字或作
余故世本云伯余製衣裳淮南子伯余之初作衣許注

亦云黃帝名冰黃帝經序及難一曰軒河圖握樞云黃

神之精孝經鈎命訣云附寶出降大靈生帝軒注軒黃

帝名故文選言登封降禪齊德黃軒牽秀云邈矣帝軒

尚書中候云黃帝提象又云黃帝迎洛龜書赤文成字

象軒而論語撰考亦有軒知地利九牧昌教之語是黃

帝名惟曰軒軒之字曰玄律見黃帝經序及難經疏按

不曰軒轅玄星謂之玄軒廣韻九合

內志文云竹受氣於玄軒之宿是矣然則名軒而字玄

軒理或然也山海經帝律生帝鴻則帝之字律尤信

軒轅出自有熊之國母曰昊樞以戊己之日生故以土

德稱王也時有黃星之祥考定歷紀始造書契服冕垂

衣故有袞龍之頌變乘桴以造舟楫水物為之祥踴滄

海為之恬波泛河沉壁有澤馬羣鳴山車滿野吹玉律
正璇衡置四史以正圖籍使九行之士以統萬國九行
者孝慈文信言忠恭勇義以觀天地以祠萬靈亦為九
德之臣薰風至真人集乃厭世於昆臺之上留其冠鼎
湖之極峻處也立館於其下帝以神金鑄器皆銘題及
昇遐後羣臣觀其銘皆上古之字多磨滅缺落詔使百
辟羣臣受德教者先列珪玉於蘭蒲席上然沉榆之香
春雜寶為屑以沉榆之膠和之為泥以塗地分別尊卑

華戎之位也

拾遺記○又河圖握樞云附寶生軒轅胸有文曰黃帝子○五行書又云以戊子日

生○又路史云符寶孕一十有四
月而生帝於壽丘生而紫炁充房

地皇軒轅氏政典曰嗟爾天師備相正五百官士子農
夫商人工技咸若我言政典曰國無邪教市無淫貨地
無荒土官無濫士邑無遊民山不童澤不涸其正道至
矣正道至則官有常職民有常業父子不背恩夫婦不
背情兄弟不去義禽獸不失長草木不失生政典曰方
圓角直曲斜凹凸必有形遠近高下長短疾緩必有制

寒暑燥濕風雨逆順必有時金木水火土石羽毛必有

濟布帛桑麻筋角齒革必有用百官器用必有制聖人

治天下權以聚財財以施智智以備賢賢以輔道道以

統下下以事上上以施仁仁以保位位以制義義以輔

禮禮以制情情以敦信信以一德德以明行行以崇教

教以歸政政以崇化化以順性性以存命命以保生生

以終壽皇曰岐伯天師爾司日月星辰陰陽歷數爾正

爾考無有差貸先時者殺不及時者殺爾惟戒哉皇曰

后土中正爾識山川草木蟲魚鳥獸爾掌爾察無亂田

制以作田訟爾惟念哉皇曰龍東正爾分爵祿賢智爾

咨爾行無掩大賢以怯財無庇惡德以私賞皇曰融南

正爾平禮服祭祀爾正惟無亂國制以偕上無廢祀事

以簡恭爾惟念哉皇曰太封西正爾分干戈刑法爾掌

爾平皇曰太常北正爾居田制民事爾訓爾均百工惟

良山川爾圖爾惟勤恭哉皇曰天師備相五正百官士

子農夫商人工技咸順我言終身於休

三墳

子貢問孔子曰古者黃帝四面信乎孔子曰黃帝取合
已者四人使治四方不謀而親不約而成大有成功此
之謂四面也

子尸

黃帝以雷精起

河圖

黃帝之初養性養民不好戰伐而四帝各以方色稱號
邊城日驚介冑不釋黃帝歎曰君危於上民安於下主
失於國其臣再嫁厥病之由非養寇耶今處民氓之上
而四盜亢衡遞震子師於是遂即營壘以滅四帝向令

黃帝不龍驤虎變而與俗同道則其民亦嫁於四帝矣

蔣子萬機論

青帝太皞後赤帝

神農後白帝共工後黑帝葛天後

黃帝即位十有五年喜天下戴已養正命娛耳目供鼻
口煇然肌色豸黜昏然五情爽感黃帝乃喟然讚曰朕
之過淫矣養一已其患如此治萬物其患如此於是放
萬機舍官寢去直侍徹鍾懸減厨膳退而閒居大庭之
館齊心服形三月不親政事晝寢而夢游於華胥氏之
國華胥氏之國在奄州之西台州之北不知斯齊國幾

千萬里蓋非舟車足力之所及神游而已其國無帥長
自然而已其民無嗜欲自然而已不知樂生不知惡死
故無夭殤不知親已不知疎物故無愛憎不知背逆不
知向順故無利害都無所愛惜都無所畏忌入水不溺
入火不熱斫撻無傷痛指撻無瘡癢乘空如履實寢虛
若處牀雲霧不礙其視雷霆不亂其聽美惡不滑其心
山谷不躓其步神行而已黃帝既寤悟然自得名天老
力牧太山稽告之曰朕閒居三月齋心服形思有以養

身治物之道弗獲其術疲而睡所夢若此今知至道不
可以情求矣朕知之矣朕得之矣而不能以相告若矣
又二十有八年天下大治幾若華胥氏之國而帝登遐
百姓號之二百餘年不輟

子列

黃帝之治天下也其民不引而來不推而往不使而成
不禁而止故黃帝之治也置法而不變使民安其法者
也

管子

黃帝中几銘曰予居民上搖搖恐夕不至朝惕惕恐朝

不及夕兢兢慄慄日慎一日人莫躋於山而躋於垤

黃帝作輿几之箴以警晏安作金几之銘以戒逸欲

帝王

紀世

振夔鼓載龍旗天則玄女授符帝則黃神降斗斯乃軒

轅氏之所以除人害也

崔融啟
母廟碑

黃帝命知命糾俗天老錄教力牧準斥鳩治決法五聖

道級闕紀補闕地典州絡七輔得而天地治神明至

紀門

即陶潛賢輔錄中窺紀也論語摘輔象七輔有風后而
無鳩治世紀云黃帝以風后為上台與天老五聖為三

公其餘知命規紀地典力牧常先封胡孔甲等或為師
或為將非一人也故張衡云方將師天老而友地典漢
志陰陽有地典六篇鳩治子一篇封胡五篇力牧十五篇
風后十三篇鬼容藍三篇及容成陰道天老雜子陰道皆
黃帝臣○補闕博物志作
變復準斥博物志作准斥

黃帝申命封胡以為丞鬼容藍為相力牧為將而周昌
輔之大山稽為司徒庸光為司馬恒先為司空建九法
七相翌而下服度風后善乎伏戲之道以為當天而配
上台桓常審乎地利以為常平於是地獻草木乃述耕
種之利奢比辨乎東以為土師而平春種角穀論賢列

爵勸耕饁禁伐厲庸光辨乎南以為司徒而正夏種芒
穀修馳戒侈發宿臧靜居農以戒力以宛夏功種房穀
以應戊己之方大封辨乎西以為司馬玩巽禽種蓬穀
收穀薦祖組甲厲兵戒什伍以從事后土辨乎北以之
李行冬斷罪種稜穀剝箭伐木乃勞農始獵殺帝處中
央而政四國分八節以紀農功命天中建皇極乃命史
甲作戒盤孟籩豆奩鏡劔履輿席市杖戶牖弓矛一著

銘詩以彌縫其闕

黃帝又有臣常山封鴻又
鄧伯溫者及蚩尤氏轉戰

黃帝立四面堯舜得伯陽續耳然後成

呂氏春秋

傳記黃帝以車戰蚩尤以騎戰蚩尤作霧黃帝作指南
車通典云蚩尤氏帥魑魅與黃帝戰於涿鹿帝命吹角
作龍吟以禦之

黃帝攻蚩尤三年城不下得術士伍胥問之胥曰是城
中之將白色商音帝之始攻得無以秋之東方行乎今
帝為人蒼色角音此雄軍也請以戰為帝曰為之若何
曰請攻三日城必下乃設五旗五軍已具四面攻之三

日城果下

玄女兵法

帝征蚩尤七十一戰不克晝夢金人云天帝使授符得
兵符戰必克矣帝寤問風后曰此天應也乃於盛水之
陽築壇祭太牢有玄龜含符致壇似皮非皮似縑非縑
文曰天乙在前太乙在後帝再拜受於是設九宮置八
門布三奇六儀制陰陽二遁凡千八十局名曰天乙遁
甲式三門發五將具征蚩尤而斬之

太白陰經

蚩尤幻變多方徵風雷雨吹煙噴霧黃帝師衆大迷帝

歸息太山之阿昏然憂寢王母遣使者被玄狐之裘以符授帝符廣三寸長一尺青瑩如玉丹血為文佩符既畢王母乃命一婦人人首鳥身謂帝曰我九天玄女也授帝以三宮五意陰陽之畧太乙遁甲六壬步斗之術陰符之機靈寶五符五勝之文遂克蚩尤於中冀又數年王母遣使白虎之神乘白鹿集於帝庭授以地圖

玄女

兵法

黃帝治五氣設五量及神農氏衰黃帝乃擾馴猛獸與

神農氏戰於版泉之野又討蚩尤氏使應龍殺之於凶

黎之丘凡五十二戰而天下大服

帝王世紀

蚩尤出自羊丘八肱八趾疏首登九淖以伐空桑黃帝

殺之於青丘

歸藏啟筮

黃帝太乙密推云欲知巡狩之年當視太乙與天目在
四維之歲法當巡狩

黃帝以地皇九年正月上寅詣首陽山宰牧從焉入空
峒禮廣成子回駕王屋啟石函發玉笈得九鼎飛靈神

丹訣次游玄圃禮雲臺先生授龍躡經役使龍虎令詣

天真皇人真源

黃帝謁峨眉見天真皇人拜之曰敢問何為三一之道
皇人曰而既已君統矣又咨三一無乃朗抗乎古之聖
人盡三辰立畧景封域以判邦國山川以分陰陽寒暑
以平歲道執以衛衆交質以聚民備械以防姦車服以
章等皆法乎天而鞠乎有形者也天地有啟閉日星有
薄失治亂有運會陰陽有期數賢愚之蔽壽夭之質貴

賤之事吉凶之故一成而不變蓋氣浮於上而精氣萃於下性發乎天命成乎人使聖人以為之紀是以聖人欲治天下必身先之立權以聚財揆財以施智因智以制義繇義以出信仗信以著衆用衆以行仁安仁以輔道迪道以保教善教以政俗從俗以毓質崇質以恢行勤行以典禮制禮以定情原情以道性復性以一德成德以叙命和命以安生而天下自爾治萬物自爾得神志不勞而真一定矣子以叢爾之身而百夫之所為備

故天和莫至悔吝屢更生殺失寒暑之宜動靜戾剛柔之節而貪欺終無所用無乃已浮乎黃帝乃終身弗違

而天下治

玉佩
金璫

黃帝問於伯高曰吾欲陶天下而以為一家為之有道乎伯高對曰請刈其荒而樹之吾謹逃其爪牙則天下

可陶而為一家

管子

黃帝遊天衢奏鈞天之鼓建日月之旗乘瑤雲之輿駕六翼之龍彭祖前驅松喬俠轂光景流而不見長風逐

而不及發輟紫宮不崇朝而匝六合也

孫綽子

黃帝封東山而奉中華君

或云即中黃丈人受九品之方

黃帝東海南江登空躡岱至昆峰振轡風山訪道存諸

汗竹不可厚誣

晉志

黃帝受襄城小童步六紀之法黃纍小童步三經之法

金簡

玉字

昔黃帝生而能言役使百靈可謂天授自然之體者也
猶復不能端坐而得道故陟王屋而授丹經到鼎湖而

飛流珠登崆峒而問廣成之具茨而事大隗適東岱而

奉中黃入金谷而詔涓子心論道養則資玄素二女精

推步則訪山稽力牧講占候則詢風后著休診則受雷

岐審攻戰則納五音之策窮神奸則記白澤之辭相地

理則書青鳥之說救傷殘則綴金冶之術故能畢該秘

要窮道盡真遂乘龍以高躋與天地乎罔極也

抱朴子

昔黃帝東到青丘過楓山見紫府先生受三皇內文以
効召萬神南到圓隴蔭建木觀百神之所登採若木之

華飲丹轡之水西見中黃子受九加之方過洞庭從廣
成子受自然之經北到洪隄上具茨見大隗君黃蓋童
子受神芝圖還陟玉室得神丹金訣記上

黃帝濟東海入江內取綠圖

新書

許玉斧言黃帝以疾崩于橋山

真誥

黃帝體僊登遐其臣扶微等歛其衣冠塋之

晉周生招魂議

黃帝皐衣纁裳放勳彤車白馬

隋書

黃帝馭紫虬帝堯駕白馬

黃帝十歲而改神農之政顓頊十三而致太平帝嚳十五而佐顓頊唐堯十三而佐帝執禹孕十四月

帝鴻氏繼黃帝者也而說者以為黃帝何邪以五帝位無地以置之也虞氏之先有幕而惑於史記所叙之世者無地以置夫幕也遂以謂之虞思而不暇顧是皆學者沈綿之意病也按春秋運斗樞以帝鴻金天高陽高辛唐虞為五代而班氏人表既叙帝鴻于炎帝之前矣豈得謂黃帝哉干令昇曰相皇臬陸而前為而不有應

而不求執大象也鴻黃世及以一民也堯舜內禪體文
德也漢魏外禪順大名也是則鴻黃為世及者信矣雖
然亦有以致其疑者昔者文信侯引黃帝告顓頊之言
曰大員在上大矩在下汝能法之為民父母而嚮子謂
顓頊十五而佐黃帝二十而有天下汲書亦云黃帝死
七年其臣左徹乃立顓頊三書世少見信然史記亦言
黃帝崩而昌意之子高陽立少昊且無况帝鴻邪此鄭
康成於書中候所以依運斗樞以帝鴻為五帝而乃指

之為黃帝也余觀內簡黃帝經黃帝後歷四世乃至顓
頊設不之信則少昊為世八十有四載顓頊何由事黃
帝哉此其不足疑者然班氏置之炎帝之前則又失之

路史○按陳晦伯駁之云左傳史克曰昔帝鴻氏有不
才子杜預曰帝鴻黃帝也山海經云帝俊生帝鴻帝鴻
生白民唐逢行珪鬻子注云軒轅氏少典次子父曰帝
鴻氏路史謂帝鴻是黃帝子帝俊是黃帝字無稽此駁
甚正備錄之

小昊青陽氏

少昊幣文作小紀姓世紀青陽紀姓古史
周書亦作小顓攷云窮桑氏嬴姓非

名質

周書云乃命小昊青司馬鳥師以正五帝之官因
名曰質質贊同故史傳多云名繫而以為高辛之

于誤

是為挈

世紀云少昊名摯亦見世本宜與摯通即考挈本作契乃契刻字故年代歷云少昊

名契或云名契

少昊以主金方一號金天氏亦曰金窮氏時有五鳳隨方之色集於帝庭因曰鳳鳥氏金鳴於山銀湧於地或如龜蛇之類乍似人鬼之形有水屈曲亦如龍鳳之狀有山盤紆亦如屈龍之勢故有龍山龜山鳳水之目也亦因以為姓末代為龍丘氏出班固藝文志蛇丘氏出

西王母神異傳

拾遺記

少昊生於稚華之渚其渚一旦化而為陵鬱鬱蔥蔥焉
襄九年左傳言魯襄公年十二而冠依八代記即少昊
亦十二而冠

公羊疏

帝顓頊高陽氏黃帝孫昌意之子昌意出河濱遇黑龍
負玄玉圖時有一老叟謂昌意云生子必叶水德而王
至十年顓頊生手有文如龍亦有玉圖之象其夜昌意
仰視天北辰下化為老叟及顓頊居位奇祥衆祉莫不
總集不稟正朔者越山航海而皆至也

拾遺記

軒轅子昌意娶蜀山之女生顓頊顓頊父君弱水之鄉
項身陶七河之津是為玄帝也伏萬靈以信順監衆神
以導物後御百氣召致雷電於是乘結元之輦周旋八
外諸有洞臺之山陰宮之丘皆移安息之石封而鎮之
鑄羽山之銅為寶鼎各獻以一於洞山神峰不獨句曲

一山而已

陶隱居
真誥

帝嚳高辛氏姬姓

古史考云或云房
姓姁也一云姁姓

曰嚳

一作佶集韻
高辛號通作

嚳一曰俊

見世紀一作俊山海經作俊言帝俊處甚多
皆謂嚳郭景純皆以為舜謂舜俊聲相近失

所攷 譽之字曰亡斤黃帝氏之子曰玄枵之後也

世本譽黃

帝之曾孫漢志言顓帝蒼林昌意之子帝譽青陽玄囂之子皆並二人而言繆亂如此外紀玄囂雷祖之子是

父僑極

大戴禮
矯極

取陣豐氏曰哀

高堂隆北郊表曰
握哀履巨跡是也

履大

跡而生譽方譽之生握褒莫覺生而神異自言其名遂

以名

見大戴禮世紀故曹植贊及張顯析言云高辛氏初生自言其名其君民終無迷繆也

舉星

畢曳雲稍黃介紼衣執中而獲天下

路史

廣博物志卷九